

龜

巢

藁

龜巢藻卷之三

詩

養竹成大林

養竹成大林頻年竹生孫美竹非不多惡竹亦
已繁羣奴為洗之往哉聆我言美者慎勿傷惡
者必去根勿虞爾斧缺勿憚爾力煩宿莽蕩無
餘清風仍滿園

樹頭鴉鳴

樹頭鴉鳴鳴農人起芸苗問之爾何忙良田莠
驕去年耘較遲草蔓人力寡稂莠非不除卒



以害吾稼吾聞農人語猛省天下事養虎常害
人玩寇亦如此

移家金壇尹干橋奉寄俞用中先生

辟地金壇縣懷人鉄甕城戰塵今滿眼憂國豈
忘情北固山無恙中濡水最清卜居何處好為
我主鷗盟

大父卒宋末葬烈塘之東墓松合抱者數百
株一旦為鄉豪伐去郡縣弗能禁愬之分
省亦莫敢誰何應芳痛憤于家形于夢寐

至正十六年二月廿六日也

當年掃松寒食朝紙錢挂之松樹腰今年無樹
堪挂紙冢頭挿竹風蕭、孤兒抱怨吞聲哭躑
躑歸來卧茅屋夜深忽夢蒼髯翁手足累創頭
髮秃告言淮襄荆楚間羣兇殺人連數年名門
世胄皆赤族梗楠豫章何足憐吾方欲問天下
事難鳴夢破心如醉髯翁恐是十八公天耶人
耶誰降凶

五噫歌

大明何為而翳兮噫大凶胡為而裂兮噫觸邪
之厲角胡折兮噫祥麟在郊足亦則兮噫天乎
遺黎豈至是而底滅兮噫

憶兄

平生愛緇侶逃難亦與俱骨月不相顧安危竟
何如銅馬從南來殺人血成渠一炬灰萬室九
原槌含珠懷哉鵲鴒原何時蓬華廬橫山絕高
處獨立眇愁予

三五七言

角蛇啼翼虎飛百年鳳雛環五色鵝雛飢盲風
怪雨已連月青天白日寧無時

歲莫獨歸

浩：北風吹戰塵還鄉無復見鄉人四郊荒草
斜陽外一樹寒梅野水濱偶有新詩題甲子忽
驚初度過庚寅僧廬夜宿明朝別默念我蒿淚
滿巾

西膠山雪晴

隔呈無錫州尹遂蒙
罷吳家渡築城之役

一夜雪深二尺強石人墮指冰蚕僵猶喜金烏

兩翅凍不折天明飛出海上之扶桑老夫晨起
膠山下風景看來渾是畫連山萬頃玉為田隔
水數家銀作舍田中築城團義兵日高未飯飢
腸鳴黃泥凍地硬如鉄白柄短鈕鏗有聲不辭
受寒飢但惡虧工程將軍踏雪來點兵萬夫鵠
立顫且驚馬前壯士五色棒：頭性命鴻毛輕
予生悔不習兵法雪夜擒吳書奏捷客欄抱膝
漫悲謔奈爾義兵寒苦何

丁亥歲旦徐達卿席上作

主人飲客椒花酒
笑語春風口角生
久雨忽晴人共喜
又聞周鄭欲尋盟

元夕寓田舍有感

憶得去年王正月
錢塘風雪正頻繁
馬周獨酌新豐市
韓愈三書光範門
喪亂不霑新雨露
飢寒今憶舊田園
堠山西畔孤村裡
借屋篝燈過上元

贈錢夢弼

連雲第宅堠山西
喬木森森與屋齊
萬國熊羆

方血戰一林鳶鳳自幽栖東風池館春如畫長
日笙歌醉似泥吐酒錦茵容野客新年十日九
招攜

丹陽陳天倪及其弟剛中犇牛陳心遠等
諸羽士避兵洞庭山寄此代簡

洞庭林屋聚羣仙問訊曾逢賣橘船湖上白魚
多滿尺山中朱果不論錢仙家犬吠雲連屋澤
國龍吟月滿天辟穀有方煩寄我吾將多與世
人傳

陳大翁過堠山客舍情話連日追悼母氏

使應芳情見乎詞

翁名師可字伯大宋常州通判之子

外家親戚惟翁在相見猶能話阿婆
三夜客窓同寂寞兩年兵火各流離
可憐今雨窮途客誰識前朝郡倖兒
前世青氈零落盡行囊留得數篇詩

寒食前聞鄉信口占

鄰舍驚呼避蝮蛇老妻嗔怒唾烏鴉
誰知昨夜三更雨又送春風一度花
寒食清明人上塚夕

陽芳草客思家愁來復遶青山去何處壚亭酒
可賒

訪孟伯堅周履道不遇

班馬文章駕並馳雲龍追逐去何之門前流水
垂楊柳屋上青山叫子規三月又逢修禊日一
觴還憶太平時可憐潦倒無家客滿目風塵兩
鬢絲

刺促行次履道韻

刺促何刺促江上秋風破茅屋誰憐杜少陵長

歌之哀甚于哭故山可望不可歸
欄牕臺高春草綠浮雲滓日竟誰洗
烈火連天勢難撲三農不復把犁鋤
風雨荷戈城上宿於乎人生有子作
征夫不如返哺林間烏

題春林雨意圖

前山後山雲氣濃欲雨不雨天無風
記得去年初夏裡此時舡過潏湖東

懷周履道六韵

平生多朋遊窮途見交態每歌杜詩重念代

木麋孰謂新相知情如舊親愛手書辱殷勤授
餐慰行邁老我無為執德心未艾秋風自搖落
松栢歲寒在

狗寨謠

往聞淮西軍食人狗亦有寨屯如軍是時江南
幸無事尚謂傳者言非真安知吾鄉今亦爾地
方百里皆荆榛三村兩村犬成羣見人如見東
郭兎跳踉大噉猛于虎坡陀高踞轂信路旁
青草堆白骨天外飛鳶銜斷筋征夫早去胆欲

落冤鬼夜哭情難伸可憐性命葬饑腹往、多是逗鄉民向來喪家狗絕食遺骸或與狐狸分乘時為暴至若此、事千古同悲辛寢皮食肉不可得張牙弄爪何由馴虞廷九官分厥職益必掌火山澤焚犬乎犬乎胡不革爾心全爾身主爾主鄰爾鄰搖尾乞食仍相親毋使犬若之名天下聞

壽玉山人十六韵

黃梅雨歇南風清綠槐如雲陰滿庭胡髯雪白

雙眼明長日細字箋龍經有時忽着道士服騎
鶴三天奏符籙天上神仙知姓名人間富貴羞
馳逐翁年已耄何嬰鑠姮娥應授長生藥我來
避地方卜鄰翁與談天甚為樂酒邊却笑磻溪
翁吾年與同心不同鷹揚未若漁釣好周家自
有羣羆熊平生毛穎與親炙老去麴生尤莫逆
白鷗之盟君勿渝門外紅塵一千尺

八月十六日顛沛中見碩玉山蒙置酒嘉
樹軒相與劇談痛飲懽如平生且有來

夕草堂之約既醉而別賦此以贈

來往東吳三十年吳人多示好詩篇片言堂下
知酸棧一笑樽前壽魯連嘉樹連雲秋不老桂
花如雪月仍圓烽烟已隔重湖水且為交惟理
素絃

留別顧玉山將往杭州卜居二十韻

垂白遭多難蒼黃走四方吳人今入貢越寇復
侵疆百戰山河破三邊草木荒軍容皆赫々徒
御亦揚々舉士思投筆農人習臂搶誰令紀綱

壞未改瑟琴張卓爾文章伯平生錦繡腸
琴書曾不廢軒冕迥相忘愛客坐常滿
耽詩夜亦忙登龍嗟潦倒鳳鳥亦翱翔
說項口不輟留髡興甚長百篇詩倡和
屢舞酒淋浪老驥羞陰伏飢鷹欲遠揚
憂天如杞國辟地卜錢塘丞相聞新詔
除官平舊章覆蕉曾有夢腐草或先光
蕭颯雙蓬鬢漂搖一萼杭第慚金自躍
何以玉能藏海底珊瑚赤松根琥珀香
明朝重回首嘉樹鬱蒼

贈道傳上人

偶識廬山遠山莊借屋居
撥雲分臘酒踏雪送寒蔬
門俯溪光迥窓含野色虛
相過而不厭燈火案頭書

送蔡伯昇辟兵澱山依故人

典衣沽酒磧沙頭送客携家訪舊遊
虎窟携來桃竹杖鷗波蕩去木蘭舟
黃楊偶厄今年閨老菊重逢九日秋
覓得桃源堪辟世結鄰當與老菟裘

陳湖夜泊

平湖清水清如鏡
照見潘郎兩鬢斑
帶箭飛來何處雁
一報哀愁入雲間

訪澱山因自明習無學二禪老

西風滿帆天正假
扁舟過湖快如馬
欲尋漁父問桃源
因訪高僧遇蘭若
南能北秀兩魁奇
翠竹黃花掄瀟洒
相逢握手問流落
試為從頭畧
傾寫生居楊子大
江濱老我延陵力
田耆羣兒西來火
三月四境更無茅
一把鄉鄰死戰血
漂

杵妻子生擒肉為鮮隨波幸若魚漏網失窟驚
如鏡在野山中碧松堪療飢池上白蓮宜結社
笑語同行有髮僧數見不辭禪板打

懷玉山隱居并簡其子國衡

錦翮鵬雖海上回無端鷗鷺失驚猜青山靜對
機心息好客相過笑口開魚躍水池堪入饌蛆
浮臘甕足持盃官軍赴敵忙如蟻奈爾重門掩
綠苔

懷袁子英

疇昔尋君竹浦西，芭蕉月上姓名題。
別來歲晚相留戀，行到窮途孰指迷。
兩鬢風霜秋颯颯，一蓬烟雨晝淒淒。
遙憐冠蓋高陽里，長伴山翁醉似泥。

懷諸葛用中

每憶君家書畫舫，夢魂飛繞太湖邊。
干戈滿地無休日，萍梗他鄉又一年。
西北天高烟霧隔，東南海濶水雲連。
何當覓得蓬萊路，相與從遊采藥仙。

至正丁酉冬玉山燕客芝雲堂適有時貴
自海上來以黃甘遺之玉山乃分餉坐
客且曰吳中以連年擾攘無之今有之
諸君子不容無詩故有是作

青巾西來人食肉逃難西來采黃獨上書不伏
光範門忍飢寧負將軍腹玉山燕客、蒲堂香
柑新帶永嘉霜分金四坐照人面漱玉三嚙清
詩腸山中柳瓢大如斗吳姬劈來薦春酒、酣
遙指洞庭山為問木奴曾貢不頻年兩浙阻戈

兵黃甘陸吉不相過此時共享此佳果胡不取
醉花前歌漢廷傳柑還賜宴應念江南久征戰
聖恩有詔悉蠲租可奈數州人已無

贈錫元臣何士安二省郎

冬十二月一雨滂淒江水高三尺強翻、使者
傳令急肅、官軍赴敵忙日出山頭雲氣白春
回海上柳枝黃捷書明日報振府連壁少年增
寵光

錢夢弼移舟過姜里後三日予往見之適

夢弼卧病庚子正月賦此為別

瑛山之別苦倉猝甫里相逢說亂離喜見新年
正玉月重瞻舊日漢官儀酒盃不惜金魚換藥
杵何勞玉兔持借問董家雞共犬有無祥瑞似
前時

謾興十一首

甫里水東頭垂蘿繫客舟客心清似水吟髩白
子鷗詞賦知無用干戈苦未休蓬窗三日雨農
事憶西疇其一

五十不富貴蹉跎又六年
新愁添舊髮故國暗
狼烟白帽看雲坐青燈
聽雨眠痴兒書懶讀翻
笑腹便便其二

吳地方千里齊民搃荷戈
人生無可奈天運竟
如何米市黃金賤沙場
白骨多故山時一望老
眼淚懸河其三

伐木燒官炭中林霹靂飛
窮猿無可擇飛鵲更
何依野雨生穉稗山風
長薜薇兒曹能采拾猶
足慰年飢其四

吳女何多巧吳趨作楚聲市廛方易肆朱粉復
傾城壓酒桃花塢彈箏細柳唐將軍正年少相
顧苦為情

其五

闔閭城下柳誰種綠陰成樹繫浮江馬枝遷出
谷鶯我朝方用武僧寺挽屯兵猶喜湖田熟街
頭米價平

其六

田舍方東作州家要義兵瀕湖團水寨斂石甕
山城柳暗春烟暖芹香潤雨晴荷鋤歸未得布
穀為誰鳴

其七

盡道從軍好封侯甚不難羽書頻報捷相府即
除官北鄙烟塵遠東風雨雪寒腐儒人共笑白
首鹿皮冠

其八

赫々千夫長搖々四櫓舡々輕如躍馬寇退欲
歸田簑笠松江上犁鉏穀雨前只愁邊報急生
計又茫然

其九

太湖三百里流血水雲腥戰鼓有時歇漁歌無
處聽飄零孤雁白慘淡遠山青題摘音書斷令
人憶洞庭

其十

近聞哀痛詔使者又江東兵革何時息車書四
海同落梅春雨後芳草夕陽中俛仰長流涕窮
途一老翁

其十一

顧國衡萬戶席上與乃翁及元樸長老數
客把酒賦詩各成七言四韻

客來寒食清明日每日春風醉玉山綵筆醉題
鸚鵡賦寶香頻薰鷓鴣班簾前脩竹翠欲滴池
上小桃紅更覓按得錦箏新製曲隔花黃鳥共
聞關

宿壽上人山房再和金西白長老韻

春來淮楚兵方息
今夜村莊犬亦寧
分得梅邊半窗月
借看松下兩函經
屋山風颭茶烟白
江浦雲連樹葉青
來往風流似支許
獨慚吟髯已星

訪積善寺貴上人適與旌德寺學無為明

月庭相集四人年
皆五十有六
酒邊聯句共成一律
既而又各和一首

四人二百廿四歲

通前

一日酒傾三百杯

月庭

醉裡不知浮世狹無為吟邊但覺好懷開應芳
春雲冉冉連江樹通前晴雪紛紛落野梅無為
邂逅相逢離亂日月庭布帆無恙亦佳哉應芳
四人二百廿四歲野老浮家僧渡杯共喜江湖
春水靜遙逢西北暮雲開神仙換骨元無藥宰
相調羹自有梅昔酒正須終日醉鄉佳處亦
悠哉

送梅州判之崑山

百戰歸來佐一州
貂蟬從此出兜鍪
山城近海

金湯固市舶通番食貨稠下馬正逢梅子雨勸
農須趁麥花秋薦賢不負尚書意治最功成秩
更優

端午日瑞光寺西白長老方丈作

藕花池上端陽日菖歎香浮玉藥舡可喜山僧
能好客長容野老醉逃禪連宵雨漲三江水當
午雲開一鏡天醉倚浮屠望鄉國橫山依舊暗
烽烟

對雨書懷

書生得句百憂忘更喜新知共一方醫士為焚

除藥券

指顧
彥文

鄰僧借與讀書床

指壽
道傳

十年鄉國

烟塵暗五月江村風雨涼不用弱流三萬里地
無豺虎即仙鄉

次韵贈管伯齡

風塵連四海身世同一漚斯文幸未喪同類猶
相求蜉蝣果何物敢作撼樹謀諸公新亭淚可
笑學楚囚我無西園金孰問東家止嗟爾一片
玉產此崑山州天門九重深猷納亦末由江村

茅屋雨湖田稻花秋門外車有轍窓前水長流
時無華子魚幼安誰與清濯足弄雲水商歌興
悠：胸蟠五色線唾視萬戶侯針芥適相遇珠
壁驚暗投酒盃接輿勤詩盟結綢繆千金亭敞
帚猶曰不易酬新知如故交一笑忘百憂停杯
問蒼天千戈幾時休金風雖乍起火雲未全收
谿橋柳陰清繫我三日舟摻執不忍別相期重
來遊

甫里先生

有田二頃可無官况復時危行路難
丹鳳徒勞啣詔下白鷗自放出關看
春從願渚隨茶灶月向淞江伴釣竿
舊宅不知何處是浮屠樓閣倚高寒

次韵袁子英過吳江兼簡琦龍門

孤城當澤國潮撼勢如浮挂杖尋僧寺
長橋係客舟江寒楓葉落湖暝蝮蛇遊
寄語龍門客詩盟莫負鷗

江上女和子英韵

妾生吳江上阿爺最鍾情十五嫁夫婿紅顏如
舜英別來各天涯所共惟月明妾守江上宅夫
戍邊頭城江上畏行露邊頭防所營一朝義當
盡性命鴻毛輕死願化葵藿兩心同傾

送顧玉山遊東南諸山

我愛向子平婚嫁兒女平生掌上珠棄置若
敝屣百事不挂眼五嶽縱遐武朝與麋鹿遊暮
與泉石伍泉石本無情所喜絕塵土松風出林
磴笙瑟音調古但聞幽鳥鳴猶勝俗人語咄彼

貪墨徒躋蹬
昭金塢遺臭千萬年
其禍皆自賈
吾知子平心
夙昔慕巢許
矧茲風雨秋
摧蘭折
薔杜往哉
山水窟幽期
赴緇侶解纓濯滄浪
茗花八風舞
老我病江沱
臨風為延佇

和顧仲英金粟塚燕集詩

我昔過北印
立馬山之隈
為問壠頭樹
皆云後人栽
生前樽酒誰
不有無人到此
自對青山開
屋堆黃金
五侯貴難免
白骨生蒼苔
最憐吉士
或狂折有如
爨下蕉
桐材玉山
先生達觀者
胸

次不着開悲哀清秋攜客墳上飲麴車載酒山
童推大笑胥魂乘白馬溪慚繇魄化黃熊墓名
自掣身自挽視身不啻輕如埃鷺翔鳳翥玉箸
篆虎踞龍蟠金粟堆鶴羣三繞嘉樹舞龜巢並
載豐碑來長吟復短吟此興何高哉秋風無情
摧萬物芙蓉亦老胭脂腮笑言他年翁仲共寂
寞何如此時賓客相追陪功名絕愁根富貴脫
禍胎百年能幾日一日能幾杯從此秉燭長夜
飲猶恐四蛇二鼠忙相催主人爛醉客亦醉絕

倒不顧旁人。哈北望中州。數千里人家。盡作邱
前灰燼。骸委江郊。多是賢與才。忍飢自作首陽
鬼。獨醒誰念。湘江繫神仙。初無不死藥。方士浪
說尋蓬萊。君不見無邊之海。白淼、無名之山。
青巍、長鯨。噬吸成風雷。徐氏一去。何曾回。

玉山以予欲徙居淞江之東。設席書畫舫。
邀素子英陸元庠。帳上人用江東日暮。
雲分韻賦詩。以餞予。得江字。用以留別。
浮家野老。隻目。危振柁。欲渡吳淞江。東將入海。

釣濤龍玉山：中別老龐西池之屋如解艘左
圖右史堆滿窓燈花搖：落銀缸葡萄灑：傾
玉缸四簷白雲雨飛流淙若列媧石銀河澤主
人長歌客按腔翕然鐘鼓相擊撞酒酣捉筆如
長杠千軍可掃曷可扛諸公大才齊楚邦騷壇
將軍霖麾幢客來投筆乞受降乃辱贈以白璧
獲明朝短纜與舊椿馮夷前驅鼓逢：海濱懷
人倚石砭書筒時寄黃耳虬

來龜軒詩

玉為願君
以作

維歲之初兵開邑閭我鑄其局以辟以從今我
來思室有爾龜我壙弗穿爾從何來委蛇委蛇
爰曳其尾來龜之祥云何不喜我戶伊威我牖
蟪蛄嗟我婦子亦孔之勞爾其泥途我室我家
豈不尔思以名其廬瞻彼池水有蒲有蓮尔居
尔游宜永其年

袁子英偕宗別傳過天慧庄因獲晤言夜
話之餘口占以贈

短髮蕭蕭雪滿簪老禪方丈挂瑤琴月明每憶

許玄度歲晚同來支道林四海干戈猶在眼百
年軒冕摠無心梅花玉立西窓下相伴哦詩到
夜深

子英之玉山顧隱君今于同里法喜寺樓
居日抄佛書至午而止餘暇則吟咏不
輟雖親舊來訪亦不往答焉余因子英
復去作此代簡

客來喜得平安信蕭寺樓居日掩扃湖近浪搖
窓影白地偏苔沒屐痕青羣賢方結蓮花社小

楷猶抄貝葉經歲晚扁舟過甫里好尋漁父過
寒汀

送照元明住白馬寺

老梅飛去迹猶靈七十二峯湖上青已喜黃龍
新說法無勞白馬遠馱經六時花雨狻猊座五
色雲開翡翠屏携取寒泉同煮茗子將歲晚過
禪扃

冬至日陪高太守坐愚隱山房讀易有感
一殷渾沌破二氣從此分消長固有時燮理亦

在人云何數年內濁亂暗楚氛維時當嚴冬
衾煖如春中林竹抽萌花開雪紛陰極陽復
生踐長喜茲晨蒲團踞禪榻芸窓對爐薰
謝支許羨墻見義文嗒然我忘吾萬事何足云
人日懷管伯齡及杜泉玉昆仲定一山上

人

吳淞江頭春水生美人不來舟自橫一年又過
牛羊日四海豈忘鷗鷺盟管寧白帽傲軒冕杜
陵名家多弟兄結社香山僧更好野老何緣與

姓名

劉景儀寓崑山永懷寺除日作三十韵見
貽時予客薦嚴丈次韵答之兼贈兩山

主人

遭亂心如醉偷生髮已華
一年看又過幾度發
長嗟淮海浮羣馬荆蠻閫兩蛇
妖氣渾不散殺
機轉相加倦客誰相顧
高僧意孔嘉燒香談般若
若倚樹聽楞伽文風月三生石
文章五色霞
前時刻草坐上或拈花
我下南能榻君居北秀

家麗豪突俗子歌舞擁高娃重繫纏頭錦頻敲
拍板牙何如宗有道樂此寂無譁法喜常親炙
塵心亦變華濟河求巨筏出宅問三車兵火西
來盛神京北望賒憂天同祀國賦雪擬劉义兩
寺齋鐘應孤城戍鼓過朋遊欣密迹世務那紛
拏來華軒鶴喧晚樹鴉餘生知有幾學步
恐成差故國歸心切烽烟滿眼遮衣冠無隹類
戈戟亂如麻不識蓬萊路那逢博望槎憤秦思
蹈海悲楚欲懷沙竊比君臣蟻誰憐喜怒蛙桃

符驚節換萍迹寄天涯君憶蘇堤柳子懷楊美
茶吟篇聊侶和醉筆半歌斜此意方相得前言
匪敢誇尚期金百鍊永保玉無瑕

聞顧玉山芝雲堂火而所藏之書俱焚恐
其不能為懷寄詩釋之

誰將藜焰觸羣書腹笥便自有餘得失永須
論塞馬平安聊復問池魚草堂留客仍投轄香
經尋詩可曳裾別院海棠春滿眼重來燕子喜
何如

和玉山初夏言懷二首

聞君以約東林老林下棲遲避俗塵蓮社不妨
陶令醉韭菹誰信庾郎貧蘇湖渺渺田皆水淮
楚茫茫草没人春去百花先自落五更風雨況
相因

四海風塵渾未息一時天道豈無知待看雨散
雲收日依舊山青水綠時死欲便埋童荷鉢生
能自挽手栽詩道今風致清如許行路相傳口
似碑

再用韵寄悅堂長老

松雪孤標孰與倫
烟霞一室靜無塵
清談每日能留我
自說平生不患貧
城郭含輝山蘊玉
堦除聽法石如人
曇花不逐春紅老
信與東風別有因

老虎兒孫到鳳池
聲名曾徹九重知
宦書天上頒恩日
猊坐山中說法時
寸草不忘慈母報
白華無愧古人詩
春秋直筆黃夫子
曾為東林著二碑

踏車歌

吳田水深三尺許，挽是去年秋。莫雨勸農使者，
催春畊田甲。頻搗水車鼓，江村破屋能幾家。
家婦姑俱踏車，蓬飛兩鬢赤。雙脚亦有兒女，
雙髻了。淞江太湖愁滿眼，白汗沾衣足生趼。
車輪轉，羊角轉。水波翻，龍舌卷。春來十日九不
晴，怕聞鶉鳩呼雨聲。滂沱綈裨片時久，辛苦又
加三日程。當家豈無夫與子，打魚日糴去城市。
城中禁米難出閤，田上忍飢還厚水。四郊未種

園田穀三邊已運官倉粟安得木牛為木龍運
水疾于牛足陸西林日落田婦歸隤岸白烟魚
虎飛詩翁獨立長太息何處青山有薜蘿

和陶菊莊郊行二首

崑山春暖玉生烟滬瀆潮平水接天行到滄洲
人寂、坐看青荇葉田、

十年四海暗烽烟五柳先生醉樂天芳草夕陽
江上路獨憐春水滿間田

梅子玉判官勸農過客舍口占以贈

妻江之南一萬家
對田水深忙踏車
喜有春禽鳴布穀
幸無夜雨漲桃花
州倅勸農頻出郭
野航牽纜小如瓜
白鷗也自知人意
引領相望立釣槎

觀浴佛有感

銀盤水浴紫金身
白髮禪和拜跪頻
周孔豈無初度日
諸生誰為薦繁賓

和顧玉山重構釣月軒

龍戰虎爭無了日
他年誰是復誰非
諸公圖像

凌烟閣此老逃名釣月磯
新雨一池荷葉長南風
四月棟花飛我來喜聽
滄浪曲欲挽遊絲繫
落暉

夏夜作

五年兄弟各西東兄在今年七十翁
戎馬此時猶塞路羈鴻何處或傷弓
對床夜坐空階雨擁被秋吟破屋風
夢裡不知身是客覺來愁絕泪沾胸

陪梅州判智長老石教授陳惟兄壽上人

等遊姜公墩小酌梅以杜子美興來今
日盡言歡分韻子得日字

白雨洗炎熱清風洒瑟、梅仙約幽尋邀我杖
藜出同遊得名縹飄然興俱逸移舟泊釣渚看
竹過僧室行、陟高邱苔溪樹陰密崑山含玉
潤歸然如卓筆羣峯太湖上雄勢爭翠嶺江中
早潮回風急去帆疾梅仙最多喜播種農事畢
青苗匝吳田芳草眠繭粟斯民久塗炭天意諒
深恤兵餘幸豐年一飽百憂失懽然各有慶獲

榼酒盡吃安知艱虞世得此閒暇日幽情寫絲
桐餘懷聊短述

次韵贈虛中講主

三友高論久寂寞一鼓雷音號令嚴正法眼明
岩下電玄機味若水中鹽池蓮玉立天開鏡庭
竹金轂風捲簾大地政須沾化雨蹄涔寧許老
龍潛

六月廿二日愚隱和上以詩留別往磧沙
寺以寓錡錫其詩末句云一聲短笛滄

浪莫收拾絲綸下釣臺予次韵二首送
之既而懷磧沙諸公復就韵代簡

一曲滄浪歌未了蒲艣明月賦歸來俗塵自暗
人間世不著纖毫惹鏡臺

白髮道人無住著磧沙湖上去還來湖深六月

天風冷花雨吹香般若臺

右二首送
愚叟長老

誌公刁尺傳家久艣子絲綸罷釣來一鏡湖光

照樓閣坐看明月映高臺

潯湖金刹清涼境冠蓋時時聽法來刮目試看

天下士幾人胸次有樓臺

祐二首寄中長老

長歌白雪無人和近喜碧雲禪
老來龍女獻珠烟水國馮夷擊鼓雨花臺

一牛鳴地長相憶賴有尺書時
往來白馬山中

人獨遠孤雲落日在琴臺

右二首寄開野舟兼懷照元明

連日顛風吹海立幾時飛錫過
湖來絕憐湖上

林泉好六月清風似五臺

寄益以道

却灰烟銷江總宅斷蓬風轉海濱來
干戈未息

衣冠老誰築黃金聘士臺

寄江叔廉

寄趙君緯

舊家公子老儒冠
詩卷梅花共歲寒
湖上月明携客飲
樓前山色枕書看
十年四海風塵暗
久旱三湖水澤乾
滿目天雲秋後熟
敢題尺牘問平安

送扇贈趙執中

送子扇一搨
呼兒書八分
相望湖上宅
只隔隴頭雲
南國多秋熟
西風有楚氛
庭幃清枕席
持此奉殷勤

寄天章上人兼簡陶菊庄

東林花雨滴衣中文采風流有若人留客看山
常滿座開軒臨水迥無塵娟娟烏鵲橋邊月灩
灩葡萄甕裡春朝夕往來陶博士應拈醉筆賦
詩頻

簡西白長老

高情每向詩中見怪事今于病裡聞
舡去逆風牽纜去葦花飛雪暗江濱
雁來南國邊聲遠鴉集西林野色曛
笑佛袈裟歸櫓李秋風塵土自

卷之三
二
紛

贈費克明知州

崑山之石白如玉婁江之水湮不緇試持山水
比州牧厥德清白同于斯吳儂賴公父母慈遭
時艱危蒙撫綏盡令賣刀買牛犢不失與國充
耘耔訟庭無人辨雀角園扉空鎖生蛛絲獨憐
沃土重租賦瘡痍不忍加鞭笞早騎羸馬戴星
出晚踏明月歸來遲紛々公務日不暇炯々此
心天弗欺每延多士談禮樂頃覺喜色浮鬢眉

菁莪方育泮林雨岐麥當茂水霜時未擬文翁
能化蜀已過魯山無紫芝蜚名籍、動藩府將
徹九重天子知

夏五聞吳門湯君說以書見寄既而茫然
九月末因馬吉卿來甫里詢知君說仍
居閒詩以代簡

不見故人逾六載曾聞書札寄多時浮沉江上
知何許淪落天涯有所思老驥未應甘伏櫪驚
鳥可是別無枝欲過竹所尋來絮每望山陰憶

三
三
三
戴逵策、秋風桐葉盡淒、寒雨菊花遲幽懷
每日如中酒世事頻年似奕碁一笑相逢期未
得邊塵眼滿鬢如絲

送愚隱長老主萬壽寺

戎馬廢六籍三乘亦多魔中流砥柱猶能障
頽波吾師雪卧久王公礼為模說法繼禪月珠
林雨曼陀弘開甘露門諸根並漸摩一鼓氣復
作天龍衛烟蘿秋空雲霧開佛日光輝多

題林泉雅趣圖贈杜玉泉

泉翁愛山如愛客到處好山皆莫逆
脚根不滾京洛塵面紋長帶烟霞色
奚童抱琴翁曳履長日山中看山水
萬松清籟響如絃滿地白雪吹不起
桂風蘿月秋復春野花幽鳥情相親
巢由相去數千年黃綺以來能幾人
山顛水涯風物美都在我翁詩卷裡
莊周夢蝶、夢周覽是圖者同天游

寄屈時中諸友

白蠹塘南烟水村伊人辟世若桃源
家、雞黍

留賓客夜、熊丸教子孫慈竹叢深冬笋出野
梅根暖早花繁扁舟一夕乘清興我亦來敲月
下門

逢鄉僧昱東明

他鄉逢着故鄉人叙舊情如骨肉親猶喜吾兄
存兩子俱從釋氏究三身煩君為寄平安信道
我今居寂寞濱何日浮杯來甫里寒汀燈火話
酸辛

梅子玉董版築于杭城別去日久區思

懷作此以寄

錢塘江上石頭城
鍾畚如雲杆雨聲
兩袖西風騎馬立
五更殘月聽雞鳴
銀餅犒酒平章喜
金鼓還州父老迎
力盡東南非一日
政須遺愛撫孤軀

奉寄楊鉄崖先生

光範門前三上書
先生曾為發長吁
西橋楊柳藏書屋
鉄笛梅花落酒壺
偶遇故人論北海
相思一夜夢西湖
由來海內誇長句
問寄浮家野

老無

寄題悅堂長老城南小隱絕句五首

為愛城南水竹幽
高人結屋近滄洲
南園十畝
蹲鴟熟足擬人間
萬戶侯
門前流水與江通
屋上青山與画同
文武衣冠
來聽法
紺園長繫玉花驄

象龍入水動成行
燕雀隨人亦自忙
白髮老禪
揮玉塵
袈裟猶帶御爐香

屋頭新植青松樹
池上重栽白藕花
元亮孤舟

靈運屐不妨來與共烟霞
客來多是一宿覺我亦幸有三生緣扁舟過門
清夜裡烏几燒香繡佛前

題淵明采菊圖

一官棄如屣三徑今來歸言采東籬菊如彼西
山薇秫田未熟壺無酒白衣携來恰重九今年
不識是何年且為黃花開笑口非無小窻膝可
容花前一筵樽已空衰顏得酒借春色霜染樹
頭秋葉紅先生之貧人共惜先生之心人莫識

大夏難將一木支
逃入醉鄉聊自適

玉山邀至同里法喜寺飲別是夕酒醒夢
回宿雨初霽月明可喜即景賦詩兼寫
送別之意

風吹雨脚斷月到天心
明孤宦有清夢荒雞非
惡聲南浦明朝別西湖
幾日程棹歌人正苦莫
上石頭城

寄愚隱長老

別後逢人說北山
吳門第一古禪關
江湖餅錫

多依倚文武衣冠悉往還
鉄騎解鞍祇樹下金魚換
酒雨花間最憐文室淩
童子捧茗燒香不暫開

寄虎丘居中長老

初春舡過百花洲不謁閭丘謁虎丘
古徑入門蒼蘚合新城繞樹翠山嵐
遊方每學僧行腳聽法當隨石點頭
更覓西菴脩竹裡寒泉一酌薦前修

和玉山排悶

寒窗誦君詩字、黃綃婦嗟君遭屯遭蛇虎嚇
前後毅然能忍性不矯亦不揉黃金本何物一
任化烏有胸中耿、在依舊冲牛斗大兒萬戶
侯金印已懸肘小兒未強仕詩禮方授受兩城
遷奔月星橋吠天狗更憐鳳臺女先亦辭父母
君能悟空幻視世等塵垢哦詩作游戲一日凡
幾首開樽飲詞客錦綉從醉嘔愛賢眼常青垂
老髮仍黝逆境雖病前百戰喜不負憧、彼貪
夫富貴爭進取力強可拔山勢熱可笑手美新

皆楊雄託孤誰杆曰龍為堅白論行事雌黃口
何如玉山人不失素所守愚也比方臯識馬忘
北牡傾蓋即相知論文識耐久歲寒松柏心先
零愧蒲柳鄉來九折坂此日一杯酒豪吟鬼神
泣醉筆蛟蛇走萬事付忘言太山同培塿

焦任道欲過壽上人山庄并與僕相見前
期以詩相貽傳和之邀僕同賦

舊說君家有墨庄新詩今見墨雲香開來林下
尋緇侶當為墻頭喚索郎邈境日來西寇近滄

江歲晏北風涼先生素識融公嬾莫怪而今不
下床

再和韵寄趙彥深

平原公子午橋庄草木當年雨露香桂樹不嫌
招隱士桃花應喜識漁郎錦茵醉酒冬宵煖水
檻垂綸夏月涼我亦欲招橫玉去為君三弄據
胡床

次韵寄杜玉泉昆仲

授書不逢黃石公采藥不過龐眉翁杜陵名家

好賓客：裾來曳梅花風德哉若人氣冲融渙
然釋我心怔冲張燈為展風月宴坐客捫開冰
雪容火螢熒煌吐星斗金鰲鼉鼉移方達高年
垂及絳縣老合歡要策青州功唾壺玉缺擊如
意臂韝珠脫携訝童航船浪翻翠袖濕笑絕如
舉驪山峰紫雲一曲歌未了陽鳥飛出扶桑東
明朝仲氏復迎客百花潭邊收釣筒長魚斫膾
白于雪葡萄新釀青如空高堂生擁肉屏煖寒
士無復鳴秋蛩溪山相映色俱喜壩麓迭奏情

無窮老夫生長近吳下所恨白首方遊從頻年
坐我塗炭苦此日置身仙子宮已令沉湎恣為
樂尚論古人客折衆賦歸既無田種秫獨醒敢
誇木集蓉啣杯樂聖非易得良辰美景真難逢
論交不以車笠異忘形且喜襟期同咄彼貪夫
逐名利何異真壤蜣螂虫蛭爭觸戰更堪笑要
于蝸角稱蜚叢邊隅風塵莽浩天門烟霧深
重世云酒為知己飲可不罄尔琉璃鍾扁舟
往還渡吳淞泗橋且喜春潮通興來徑去造竹

所碧灣樹下維孤蓬祇慚詩債償未了毛穎為
我長句、此詩聊紀前日事此韵乃和前年冬
分柑細君與說項眉案坐對如梁鴻

碧雲山房分韵得簷字

古寺雲林靜春宵風雨無阿師如惠遠有酒醑
陶潛海味分苔脯園蔬摘並尖金蕉傳四座銀
竹瀉層檐談辨情相洽醺酣意轉欣燭長紅未
盡妍罄綠頻添小令皆毛舉新題各口占酒懷
雖曠蕩詩律自清嚴浪雪翻茶鼎香烟繞竹簾

偶論蝸國戰因笑楚人鮮老去甘藏拙開來得
養恬青松知此意相對一掀髯

雨夜懷朱澤民

一天風雨夜漫漫獨為先生發永歎杜甫數椽
茅屋破鄭虔三絕生寒墮鶯花紫禁回頭夢烟
樹青山抱膝看最憶舊遊諸閣老別來零落漢
衣冠

和鄧弘道諸公遊磧沙寺

錢塘形勝接蘇湖風物于今入戰圖獨尔磧沙

仍似舊諸公杯酒不相孤
遠山雲歛千峯出幽樹
春來百鳥呼白髮老僧
盤膝坐笑看車馬陟危
途

次韵寄路以道

笑將簪紱棄如泥出郭移
家住水西芳草喜人車
轍少遠山齊我屋簷低
門前古樹慈烏集梁上
新巢乳燕飛更喜東橋
僧舍好桃花多似武陵
溪

送居南山還嘉禾

書集卷之三
楊李亭前水接天楊侯曾此洗龍泉道傍已代
將軍樹湖上今題書畫舫滄海揚塵知幾度
楊厄閨又今年因君與說戈干苦相送臨岐一
愴然

題李白月下泛舟圖

青蠅觸起脫靴時飛燕嗔人鳳亦疑杯酒佯狂
江海上此心惟有月明知

七月二日過益上人問疾因過路以道山
人家飲酒樂甚詩以謝之

新秋去謁病維摩因與山人醉薜蘿頭戴鴉冠
堪入畫手鳴魚鼓更能歌竹邊亭子清風細壁
上詩篇好客多從此往來溪路熟扁舟乘興數
相過

和梅同知遷秩二首

我愛朱絲絃其音淡如平為人滌邪穢妙理通
神明良工繫錦瑟選練亦已精移柱喜更張白
雲風冷々

我愛青銅鏡炯如秋月圓為人別妍媸毫髮俱

了然纖塵不受汙光輝人共憐政須重拂拭玉
臺更高懸

窈窕誰家女和卜思賢韻

窈窕誰家女依稀慕璚樹向來適良人門戶比
芳杜今年遘疾難飄零太行路風雨道傍花不
失春態度珠簾十二樓燕子忍辭去合歡會有
時無勞嘆遲莫

次韻寄呈謝杭州

金湯險據鳳凰山日月遙瞻虎豹關每見題詩

懷故舊也知為政有餘閑慈幃一飯渡魚羹
鼓三挝五馬還細說平章親更喜黃金橫帶綵
衣斑

中秋日玉山顧仲瑛邀翟明府何陸良貴
仁秦文仲約等十人飲金粟上酒酣賦
詩各成一首

憶昔避戎馬放櫂來北山相逢適中秋展席解
愁顏安知復今夕喜讌集羣賢烽烟雖未息眼
底喜不見華月出松杪靈飈散天香主稱死便

埋荷鍾童在傍酒酣各哦詩其樂勝鐘鼓柱頭
老令威為作八風舞人生不飲酒杯盃空匱前
寥：數千載孰與劉伶賢

贈章彥復省掾

相約覽秋色松江來小舟留人十日雨洗耳百
花洲祖逖鞭方著張良箸欲籌吾廬吾自愛霜
菊晚香幽

偕愚隱長老重過玉山草堂次文中韻

中秋醉眠金粟堆重陽又捧菊花杯欲從南郭

隱几卧爲約北山禪老來松下低頭拜奇石竹
邊隨意坐蒼苔林風澗月足佳趣安知世有黃
金臺

簡嘉興天寧寺西白長老

五月中旬喜報書客來兼得問何如天花亂雨
架梁地祗樹重栽瓦礫墟風月三生情分在烟
波百里信音疎高秋且喜吳田熟說法開堂響
木魚

玉山席上分韵得對字

勞生紛如蟻出沒茲大塊達人獨超然逍遙物
之外秋高天氣清喜此良燕會塞予顛顚客亦
忝文詩輩黃花有佳色青山若賓對飲者醉如
泥不飲亦慶快卓彼浮屠師入俗無罣碍笑指
空中雲非觸亦非背絕倒草堂翁東壁珊瑚碎

輓華亭呂輔之

諱良佐號
橫溪居士

屢却徵車不赴官黃金多用恤飢寒銘槐西壑
雲林屋釣竹前溪雪浪灘王烈能平鄉里訟龐
公獨遺子孫安只今海內文章伯多憶賓筵禮

數寬

寄郭義仲

霜骨稜々七尺軀昂然獨鶴睨羣雛
門前問字人携酒舶上求詩客送珠
山色隔溪雲縹緲梅花繞屋雪模糊
別來歲晚遙相憶愁絕荒郊夜月孤

題玉山移舟月夜過客舍忽聞側室之訃
卽留別一首而去別後韻和以訂重来
之約

畫舫月下過江村客舍荒涼笑語溫忽報綠珠
飛墮地輕如玉斗碎鴻門蘭臺久絕行雲夢蒿
里聊傾酌月樽携客東橋重問竹柴門當為掃
苔痕

代簡牛彥伊

客來為報平安信知在長洲茂苑間借榻眠雲
僧舍靜舉盃邀月客寒寒無家且喜身長健玩
世何妨髮已斑三度梅花曾寄否思君長倚馬
鞍山

題王景逸所藏瘦馬圖

將軍百戰自封侯，老病誰憐玉腕騮。
皮肉瘦來渾見骨，精神減盡只垂頭。
長鳴落日青山下，獨立西風白草秋。
猶勝駱駝三萬匹，都隨戰士死炎州。

寄張彥復

蘭省歸來日未斜，閉門塵靜似山家。
教兒楷字謄書藁，遺客生絹寫墨花。
太伯祠前人走馬，姑蘇城上樹棲鴉。
知君觸處多懷古，忍聽吳趨唱

小娃

和馬吉卿韵寄開天啓長老

西望天峯百餘里高僧何日共遊居談禪丈室
揮松塵塵屨長扁聽木魚萬壑秋聲飢虎嘯一
池雲氣老龍嘘更尋香徑靈岩下與子聊乘下
澤車

贈趙善良

清江濯足坐中洲自喜身如不繫舟槐國功名
前日夢玉京孤負少年遊每邀田父同雞黍已

學山人製鹿裘醉後劇談今古事面如頰玉語
如流

贈華子強父子

晚涼池館藕花洲卽罷呼兒放綵舟老膝尚容
文度坐佳賓多與阿戎遊長腰米飯猶珍饌五
色菜衣勝綺裘莫笑東家人評語由來涇渭不
同流

答盛彥英

愛君楓落吳江句有客相期放剡舟
病眼難

從得失忘形鵬鷃共遨遊
秋來江上鱸堪鮓
歲晚山中貉可裘
如此幽居良不惡
比隣况復有詩流

答惠上人

鍊得身形癯如鶴
江湖杯渡捷于舟
湖邊舊宅還歸隱
吳下諸山今卧遊
學道已知磚作鏡
上詩更悟冶為裘
曹劉沈謝何淪落
風月平分支遁流

答崔彥麟

老夫衰懶慙無學年少才華美李舟好覓靈槎
天上去莫攀仙桂月中遊踞床我欲來吹笛換
酒君當為解裘早喜今年秋至早涼生六月火
西流

自述

少年學士俱瀛洲老大浮家惟葉舟每憐古調
少人聽幸得新知如舊遊四海風塵挑竹杖十
年霜雪木棉裘近來同飲太湖水最喜白鷗非俗
流

過吳江三高祠

三高祠前秋水波客來弔古悲且歌季膺魯望
桑梓敬蠡也蘧豆理則那生為越人身向越百
計吞吳、乃滅直憂烏喙將無情兔死狗烹肝
腦裂飄然攜家湖海遊捧心人與同扁舟越人
誇功鑄金像于吳孰曰非仇讎行裝重寶久弥
厚清高之風絕何有奉嘗堪笑木腸兒忍覩荒
臺麋鹿走江風蕭、楓葉寒扣舷折我青琅玕
靈胥怒挾海潮起殷若雷鳴過雪灘

寄僕知州兼簡蔡教授

使君心似婁江水霜落秋高復清田野但知
畊穫喜閭閻不識叫囂聲背山館舍雲連屋通
海漕渠潮入城公退應尋蔡文學投壺置酒適
閒情

病中夢徐伯樞戴時中見過既而伯樞惠
詩次韵答之

病來呼酒當神樓又得牽絲作釣鉤堪笑生為
窮谷叟何妨死作醉鄉侯四壁西風茅屋冷一

簾疎雨桂花秋山童淨掃門前路數日頻迎李
郭舟

中秋日觀朱道明自壽之詩次韵言懷并
紀燕集

兵戈驅迫十餘年此夕珠歌翠舞間出瓮葡萄
盃灑盤鈴傀儡錦班達人不惜千金費浮
世能逢幾日閑月裡嫦娥應笑我也將華髮對
嬌鬟

追和侯良齋秋懷四首

寸絲欲補衮龍衣。歲月蹉跎素願違。身老江湖
心未已。夢遊京洛覺還非。蕭蕭木落青山瘦。浩
浩西風白雁稀。慚愧太湖清似鏡。照人雙鬢短
垂絲。

出入都無騎從隨。杖藜于我頗相宜。詩成每得
江山助。酒病還將麴蘖醫。杜甫眼前茅屋在。陶
潛心事菊花知。朝來兩袖西風泪。遙為鄉人洒
離

世事無涯生有涯。逍遙誰得似南華。龜巢近傍

三江水鷗侶平分半席沙稚子學書收柿葉老妻
添絮採蘆花客來且共藜床坐莫說金張許史
家

垂蘿曲磴轉攀緣挑酒筇枝不挂錢白石路傍
如虎踞青松磴應作龍眠一盃且咏重陽日二
頃何須負郭田風景不殊陵谷異丹心雪髮兩
堪憐

六柳庄為沈太守作

彭澤五株柳清風千載餘願予心乃心修名難

與俱所以樹六柳于焉結吾廬門前有流水樹
下堪釣魚我柳已成陰豈不懷歸兮人生一過
舍世事紛萬殊善學柳下惠風雨慎攸居繼跡
子陶子亦曰姑徐、誰其知此心南山默如愚
九月八日朱原道席上作

主人預燕重陽客我老重逢癸卯年醉把黃花
簪席帽筴携紅袖棹舡洞庭山色軒窗外震
澤波光几席間不用登臨勞騎從恍如蓬島羣
醉羣仙

為吳中行題画

老樹骨立偃蹇秋山氣勢崔嵬開却一江風月
扁舟釣罷歸來

次韵答班仲英

客僧留客古禪宮
湯茗爐薰對菊叢
佛法不隨塵世變
鄉心猶與故人同
一林紅樹含疎雨
半壁青天截斷虹
早晚相尋東海上
扁舟相贈落潮風

題春江獨釣圖

江碧山青雨過時，輕烟漠漠樹離離。
白頭呂望鷹揚去，獨釣滄洲是阿誰。

過崑山王御史墓

宋御史王褒字彥先，登宣和進士第，紹興初上

疏論十弊，切中時病。後告老居崑山，逸野堂所著有春秋集傳等書，行于世。墓在州南，久廢之。賴知州傑公復之，友人殷孝章以其事索書，故有是作。

先生逸野堂，何在仰止崑山有。所思麟史立言三傳外，薦冠遺直中興時。一坏難朽孤忠骨，十獎猶存寥謬辭。過客下車前仲立，共看重樹墓前碑。

簡金君玉

峩峩洞庭山宛在水中央山風西北來微帶橘
柚香吾友山中居一別今十霜題橘宜有書鴻
雁日南來翔老懷多感慨烟火生肺腸作詩報
君知湖山迥相望

聞杜玉泉卧疾以詩代簡

聞君卧讀床頭易世事更新恐未知一國山林
包錦綉五湖烟水照旌旗天寒日暮人相憶冬
至陽生歲又移江柳鵝黃春艸綠幽尋當不負

前期

次韵沈啓之宴飲

栢酒春三日梅花信有風
赴君雞黍約醉我鹿皮翁
凍雪山頭白晴雲海上紅
天高不可問吾道未應窮

贈慶別駕

台州別駕不之官
烟水孤村共歲寒
偶有濁醪留晚酌
旋挑生菜簇春盤
三年鄰里通家好
四海兵戈行路難
且喜門前金色柳
東風堪作四

圖看

送入妾為妮

燕子樓中別綺疏
象王宮裡學真如
秋波獨注蓮花漏
春筍頻翻貝葉書
十二雲峯無復夢
三千沙界本來虛
散花天女長圍繞
觀色觀空樂有餘

路義道見訪示詩言懷予次韻一首

書畫舫來城郭外
客窓春在雨雲中
一違談笑經年久
又得壺觴此日同
江水照人清似鏡
山

頭戴雪白如翁新詩屬和題青竹九杖相隨許
阿戎

次鄭啓南縣丞出郊

出郭問農事哦詩思不羣犁鉏江上雨桑麥隴
頭雲刷雉行相逐雄鳩語更聞野翁相勞苦飛
蓋倚晴曛

上元夜賦雪

此夕何夕風作威急雪打我白板扉大如鵲鶴
小鷗鷺乘風作陣橫空飛老夫起坐驚且喜寒

隙壁罅皆珠瑛鄰家兒女時未寢看與燈月爭
光輝夜深人靜燈燭滅窗掩姮娥爛銀闌恍如
太極未分時混沌之天無日月須臾忽聽簷竹
折驚動老夫方寸鉢直憂壓倒湖上山連我龜
巢化魚鼈老龜縮頸牛衣中夜長如歲心冲々
鄰家雞磬三催曉發燭龍飛出扶桑東口啣火
珠光燄紅萬國一照春融々客懷愁與雪俱釋
青山依舊撐虛空

吳門訪路義道和古詩二首

客來上元夜筠軒照晴雪對雪飲流霞敲冰煮
團月誦君詩數篇忘我衣百結一笑看梅花餘
事不復說

其二

新年到城市憂思喜一雪復覩漢官儀仍書王
正月蘇州古名郡刺史得元結老我愚溪翁無
勞捕蛇說

贈楊君濟縣丞

我思崑山鉏白雲高軒訪我麋鹿羣我今長洲

釣明月君復過此寂寞濱感君相知式相好與
君談花開懷抱坐分半席白鷗沙滿目青山淨
如掃社公雨晴春風作思村北村南杏花落觀
農來注杏花村雞犬不驚田舍樂君歸哦松坐
松陰我舟更入菰蒲深釣鉤無餌勿語人但說
烟波無處尋

寄蕭舜卿兼簡虎丘寧居中長老時蕭年
八十三矣

愛爾鄰居虎丘寺劍池磐石好林泉一門父子

頭如雪十載兵戈命在天故國青山還歷歷
春風芳草有年年生公會有招賢意我亦來收種
白蓮

達至善自錢塘過訪會徐伯樞昆仲諸友
小酌以少陵春日鶯啼脩竹裡分韻得
日字

兼旬苦陰雨堦蘚青入室良朋遠方來一笑百
憂失潤別十載餘艱虞難盡述喜聞戎馬間猶
得用儒術間開脫虎口壯志曾不屈歸來西湖

上飲水獨食蜜吳中舊親知生存百無一龜巢
酒盈樽聊以永今日兩兒聆話言諸孫亦繞膝
殷勤問生理為我長太息干戈紛滿眼世事暗
如漆願言慎所之于焉保貞吉

雪舟詩為王照磨作

雪中傲吏乘孤舟千載復見王子猷吾知君欲
記高興君聽我言當點頭男兒胸中有兵甲筆
底涵水三峽正須擊檣誓中流雪外蓬婆爭
蹴踏長驅夜入懸瓠城指麾驚鴨混軍聲生擒

逆豎取金印江梅却尋鷗鷺盟

和沈啓之早春書懷

水光山色淨無塵
病眼東風景物新
蘭衆犢眠芳草地
木蘭紅繫綠楊津
莫嫌頭上髻髭雪
且盡杯中漱瀨春
鶴自乘軒鳥自好
滄洲鷗鷺與情親

簡錢仁山

一榻青苔對雪五湖春
水流斯欲遣長須覓酒
先拈秃筆題詩

二月七日和徐伯樞排悶一首

人生百年能幾何有酒快酌金叵羅已有蓬鬢
點蒼雪莫待桑田變白波東風花外鶯聲喜落
日城頭烏尾訛君詩到手客在坐擊節聽我玲
瓏歌

伯樞以啓之韻作詩見贈復答一首

蕭齋孤坐席凝塵喜得君詩字、新四海交遊
期管鮑一家兄弟比椿津多情燕子重來日絕
色桃花不負春愧我少年書劍在白頭無復報

君親

贈星術王遠夫

虞廷命官非不多曆象必先義暨和義和年去
數千載名與列宿俱嵯嵯先生本學義和氏聊
爾談星隱吳市二十八宿緯五經上係天時下
人事先生為人推吉凶一天星斗羅心胸河圖
洛書造化窟妙理貫徹精靈通齋居垂簾坐終
日金鴨野蘭烟縷碧客車載酒來問情先生舌
端飛霹靂每將忠孝語臣子不惜忠言逆人耳

天降灾祥本在人：能轉移天亦喜君不宋君
三善言熒惑退三舍天人果相孚大咎亦可謝
又不見韓退之命在斗牛坐在箕遭謬受謗能
自知怡然高咏三星詩吾儕此理或未析請從
先生考星曆

和邵彥清州判莫春寓僧舍三首

治最功成解印歸春風綠髮未應稀如何枉勞
禪床下閑看孤雲倖鳥飛

沈水香銷午篆烟僧房聊借石床眠多羅樹上

頻如語絕勝天津聽杜鵑
簾藏湘帙沁雲香手閱金經掩竹房門外不知
春早晚綠陰滿地日初長

雨中寄友

春風冷淒淒烟雨畫溟淪相望隔重湖幽事頗
閑情賴有小吳牋可以寫心聲心聲寫難盡況
無雁南征出門泥沒膝恨不生羽翎隔窓兩黃
鳥花間語嚶嚶頽然枕書卧一榻莓苔青

龜巢藁卷之三終



